

Rocco Tjon:
AINDA NO TIN PLAN INTEGRAL
PA MITIGA IMPACTO DI
DESAROYO MUNDIAL RIBA
NOS ECONOMIA



WWW.SOLODIPUEBLO.COM



SOLODIPUEBLO@GMAIL.COM




ESCANDALO! HEFE DI PRENSA
MARKO ESPINOZA DETENI
DESPUES DI CORE BURACHI Y
CAY DEN ROOI


ENTRADA HUDICIAL:
PLANTACION GRANDI
MARIHUANA CONFISCA
Y DOS DETENCION



HORA CERO A YEGA: EMAN
MESTER TUMA DECISION
RIBA DE MEZA



DI CUATER
MORTO DEN
TRAFICO



HORA CERO A YEGA: EMAN MESTER TUMA DECISION RIBA DE MEZA

Prome Minister tin solamente algun ora pa resolve e crisis di screening
E situacion politico rondona e caso di screening di Mike de Meza a yega na un punto critico. Prome Minister Mike Eman ta para dilanti un di e decisionnan mas importante di su carrera politico, y e orario literalmente ta coriendo. E countdown a cuminsa

E portal di noticia “noticia cla” a confirma via su fuentenan cu Eman tin solamente un periodo cortico pa tuma decision tocante e candidatura di de Meza pa minister. E ley di screening no ta duna tempo indefini, y cada dia cu pasa ta haci e situacion mas insostenibel.

E presion riba Eman ta biniendo for

di varios banda: e pueblo Arubano ta spera transparencia, su partido politico ta busca estabilidad, y e ley ta exige cumplimiento. Mei mei di tur esaki, amistad personal ta haci e decision ainda mas dificil. Entre espada y la pared

Un analista politico a comenta: “Eman ta den un posicion dificil. E mester scohe entre mantene un amistad di años of cumpli cu su deber como Prome Minister.”

E hecho cu de Meza ta bay corte como sospechoso a trece un motibo nobo na e situacion. Esaki nifica cu e debate no ta trata mas di si documentonan ta completo, sino si un sospechoso penal por wordo apunta como minister.

Tardansa, sin tuma decision Mientras Eman ta hesita, e funcionamiento di gobierno ta

wordo afecta. Ministerionan ta opera sin un lider, y proyectonan importante ta keda para. Aruba merece un gobierno cu ta funciona na su capacidad completo. Ademá, cada dia di tardansa ta dañá e credibilidad di e proceso di screening. Si e ley no wordo aplica, kico ta e proposito di tin tal ley?

Kico ta e opcionnan?

Eman tin dos caminda dilanti dje: Opcion 1: Notifica de Meza segun ley cu e no por wordo apunta como minister y propone un candidato nobo. Esaki lo preserva integridad di e proceso pero por dañá amistad personal. De Meza por dicidi di bira independiente.

Opcion 2: continua, sin tuma decision y spera cu milagrosamente e situacion lo resolve su mes. Pero esaki ta un strategia peligroso cu



por resulta den consecucionan legal y politico serio.

E momento di berdad Pueblo Arubano ta wak, y nan ta spera cu nan Prome Minister lo demostra liderazgo den e momento dificil aki. Tempo pa diplomacia y hesitacion a pasa, awor ta tempo pa accion decisivo.

MINISTER DI HUSTICIA DI SINT MAARTEN TA GRADICI ARUBA PA SU SOSTEN RAPIDO DURANTE CRISIS NA PRISON



Den contexto di e Justitieel Vierlanden Overleg (JVO) cu ta tumando luga e siman aki na Aruba, Minister di Husticia di Sint Maarten, mr. Nathalie Tackling, a haci un bishita di introduccion y trabao na su colega Arubano, mr. drs. Arthur Dowers.

Durante e reunion di introduccion, Minister Tackling a expresa su profundo agradecimiento na Minister Dowers y Gobierno di Aruba pa nan sosten inmediato y incondicional durante e disturbio reciente den

Prizon di Pointe Blanche na Sint Maarten. Aruba a hunga un rol clave den e momento dificil aki, mandando cinco agente di Guarda Nos Costa, ademá di e diesseis Mariniers Hulandes staciona na Aruba cu tambe a mobilisa pa yuda.

Minister Dowers a subraya e compromiso firme di Aruba pa cooperacion regional, y a expresa cu apesar di reto propio cu Aruba ta confronta, extende yudansa na nos islanan ruman ta un obligacion moral y politico.

Durante e reunion bilateral, a trata e siguiente puntonan importante:

- E presencia di arma di candela entre hende hoben, un preocupacion creciente den Caribe Hulandes, aunkue cu un diferente nivel di urgencia pa cada isla.
- Prevencion di criminalidad y reforma di husticia penal, cu lo discuti mas profundo durante e sesion formal di JVO.
- E disminucion gradual di cooperacion interinsular den añanan recien, algo cu ambos Minister ta desea pa reenforza via un renobacion di compromiso strategico.
- E intercambio di bon practica y experiencia institucional, cu Minister Tackling ta busca pa beneficia di e amplio conocimiento di Minister Dowers, acumula durante

su ocho añanan como Minister di Husticia.

Ademá, e Minsternan a tene un intercambio constructivo tocante e plannan actual pa construccion di facilidadnan coreccional nobo tanto na Aruba como na Sint Maarten. Minister Tackling a duna un actualisacion di e proceso mas avansa na banda di Sint Maarten y a ofrece informacion relevante pa yuda Aruba den su fase di planificacion.

E bishita aki ta reafirma e reconocimiento mutuo cu pa logra un sistema di husticia fuerte y eficaz den Reino, ta necesario un cooperacion interinsular robusto, dialogo continuo, y un bista unifica riba seguridad y estado di derecho den Caribe Hulandes.

ENTRADA HUDICIAL: PLANTACION GRANDI MARIHUANA CONFISCA Y DOS DETENCION

Diaranson den oranan di mainta Unit Narcotica conhuntamente cu Polis Uniforma di Santa Cruz a haci un entrada hudicial na un parcela na Rooi Prikichi.

Na dicho parcela a bin topa cu un plantacion grandi di Marihuana y como tambe cantidad di droga den cas. A confisca e droganan y

a haci dos detencion na dicho parcela.

Ta trata aki di e homber di inicial M.K. di 54 aña naci na Aruba y e muher M.L. di 51 aña naci na Aruba.

Cuerpo Policial ta haci un apelacion na es cu sa algo of a wak algo pa yama e tiplijn di polis cu ta 11141



ESCANDALO! HEFE DI PRENSA MARKO ESPINOZA DETENI DESPUES DI CORE BURACHI Y CAY DEN ROOI A purba tapa e noticia

Marko Espinoza, cu tabata fungi como Hefe di Prensa di Gabinete AVP-Futuro, a wordo removi for di su funcion despues di un incidente serio cu a sosode dialuna anochi manece diamars mainta.


Segun informacion cu a sali na cla, dialuna anochi Espinoza tabata hunto cu Minister Wendrick Cecilia na Papiamento Restaurant na Washington, unda tabatin un reunion di cruise lines pa e convention cu a wordo teni na Aruba. Despues di esaki, nan a bay La Oficina na Tanki Flip pa continua e celebracion.

Hopi laat den anochi, Espinoza a tuma decision pa coy su auto pa bay cas. Durante trayecto, e tabata manehando bou influencia di alcohol ora cu el'a perde control di su vehiculo y a

cay den un rooi banda di caminda. Polis a yega na e sitio y despues di lag'e supla, nan a confirma cu e tabata hopi burachi.

Bao di protesta y gritonan, polis a detene Espinoza inmediatamente y a hib'e warda di polis unda el a pasa henter marduga den cel. Durante e detencion e tabata puntra polisnan si 'nan sa ta ken e ta'. Y ne sitio e tabata purba di yama Mike Eman. Segun un testigo, Cecilia a yega tambe na e sitio, pero polisnan a consehe pe sigui caminda di cas.

Segunabincompronde, na Bestuurskantoor e noticia a core den tur oficina y



Eman y Gerlien a duna opdracht pa move Espinosa di su funcion mesora.

E decision a wordo tuma debi cu su comportacion no tabata digno ni integro pa un persona cu ta ocupa e posicion importante di Hefe di Prensa di gobierno. Como consecuencia,

Espinoza a wordo despidi inmediatamente for di su funcion.

Aparte di ta hefe di prensa, algun dia pasa e tabata representante di Prome Minister Eman na varios actividad. Pues, esey ta haci e situacion mas peor. Gabinete AVP-Futuro awor mester busca un remplasante pa ocupa

e posicion di vocero, mientras tanto nan lo funciona sin un Hefe di Prensa oficial.

Notabel ta cu gobierno y 24Ora a purba na tur sorto di forma pa tapa e noticia aki. Aparentemente hasta polis a haya instruccion pa no divulga nada.

Rocco Tjon: AINDA NO TIN PLAN INTEGRAL PA MITIGA IMPACTO DI DESAROYO MUNDIAL RIBA NOS ECONOMIA



Despues di encuentro publico ayera, mi a manda 21 pregunta na minister di Finansas, señor Geoffrey Wever, tocante e peligernan economico cu un guerra comercial mundial por trece pa Aruba. Nos sa cu tension

internacional ta aumentando entre paisnan grandi manera Merca, China y Union Europeo. Como un isla chikito y dependiente di importacion nos ta masha fragil den e tipo di situacionnan aki. Prijs di cuminda, gasolin y otro articulo necesario por sigui subi fuerte si comercio mundial ta keda stroba. Esaki ya caba a sosode!

“Nos kier sa kico e minister ta haci pa proteha nos economia. Pueblo kier sa: kico ta e plan si e importacion ta para of prijs ta subi hopi? Unda e

plan di emergencia ta?”

Ta conoci y un hecho cu Aruba ta importa casi tur cos y tambe cu un guerra comercial ta causa prijs mashaltoyesakinostasinti mesora den e bida diario di cada famia Arubano. Ya caba na februari nos a reuni cu Minister Wever y e a priminti di presenta un plan integral na Parlamento. Pero ayera a indica cu ainda e plan aki no ta cla.

“Nos no por sigui warda te ora e impacto negativo bira mas grandi. Tur hende ta sinti e subida di gasto cada

dia. Gobierno mester tuma e situacion mas serio.”

Di otro banda ta aloca 30 miyon florin pa un fondo di inversion sin cu tin proyecto identifica. No ta duna subsidio adicional na fundacionnan cu tin mester di esaki pa alivia y mehora cuido di salud mental y Gobierno ta cobra diferente famia cu tin personanan cu limitacion placa bek. Nos ta pidi pa gobierno bin cu prioridadnan husto y presenta un plan cla y transparente pa proteha nos economia si e situacion mundial bira mas dificil.

Invertiendo di nos personal 25 POLIS A WORDO RE-CERTIFICA PA SUB FISCAL



MACUARIMA, ARUBA: Recientemente a tuma lugar un curso di re-certificacion pa e sub fiscalnan di Cuerpo Policial Aruba na John F. Kennedy Education Center.

Un totaal di 25 sub fiscal a haya un dia di informacion cu diferente oradornan entre otro Huez Comisario, Fiscal, Consejo di Abogado y tambe docente di Universidad di Aruba.

A toca diferente temanan importante cu ta toca e tarea diario di un sub fiscal. Mara na ley y procedura como tambe buki di codigo di procedura cu tambe ta importante pa e desicionnan cu mester wordo tuma.

Na final di dia un total di 25 colega cu a atende e curso a termina esaki cu exito. Cuerpo Policial Aruba ta keda inverti den diferente cursonan of opleiding pa asina fortifica e conocimiento di nos personal den Cuerpo Policial Aruba..



DI CUATER MORTO DEN TRAFICO



Tabata diadomingo 8 juni 2025 pa mas o menos 12:20pm a sosode un accidente basta pisa na altura di Today supermarket na Cura Cabai. Un auto mester a alcanza un peaton. Ta trata di un auto di marca Kia, modelo Sonet color shinishi cu tabata riba dicho caminda bayendo direccion abou. Central di Polis ta dirigi unidadnan di San Nicolas, trafico y ambulance na e sitio. E peaton a keda gravemente herida y a wordo transporta cu urgencia pa Hospital.



na Aruba.

Tabata despues di varios dia di lucha pa su salud, awe madruga ta drenta e tristo noticia cu e peaton a fayece. Dokter ta constata morto di e hende homber Michael Gerard Hector naci ariba 3 december 1972

E caso lamentabel aki ta bou investigacion pa Departamento di trafico. Cuerpo Policial Aruba ta manda palabranan di condolencia pa e famia di e victima.

BISHITA DI DSI NA CUERPO POLICIAL ARUBA

MACUARIMA, ARUBA: Siman pasa e hefe di e Dienst Speciale Interventies Nederland (DSI) Jan Willem Mulder hunto cu su delegacion a haci un bishita na KPA.

Cuerpo Policial Aruba, via altocomisario Ramon Arnhem ta esun encarga cu e portafolio di e Team di Aresto (Arrestatieteams) den e college van korpschef.

Pa hopi aña caba KPA


ta traha estrechamente den region pa sigura cu e teamnan di Aresto mas fuerte den henter Reino.

Durante diferente reunion y evaluacionnan a traha hunto riba futuro di e Team di Aresto.



DEN E GRAN FINAL DI COPA NOORD HEINEKEN 2025:

**Dos team invicto ta topa otro unda Royal Power Tat Fat ta derota
Salbabo 9-2 pa titula Campeon. Jomark Flanegin ta sali MVP!**



Copa Noord 2025 dedica na Johannes “Poy” Flanegin, Alvaro Barrios, Nel Frank y Francis Arcaya a continua y diadomingo ultimo riba dia di Tata na veld di Kudawecha. Diadomingo merdia 12 pm den semi final Royal Power ta elimina Stingers cu score di 12-5 y ta mantene nan invicto 5-0 pa garantisar un lugar den e Gran Final mientras un rato despues pa 2 pm Salbabo ta elimina Calabas Blue Jays 10-9 den un wega yena cu emocion unda Salbabo tambe mantene nan invicto 5-0 y ta pasa pa e Gran Final.



Pa 4pm e Gran Final a inicia cu e protocol cantando e Himno di Aruba cu un veld di Kudawecha carga cu fanaticada y sigur mester bisa cu Salbabo a yena e parke cu fanaticada bisti cu nan T'shirt cora. Den bom di promer inning Royal Power ta rally tempran den e partido anotando 4 careda riba batasonan oportuno di Eldrick Dijkhoff, Gillian Wernet, Kelvin Sylvania, Keith Hooker y Jerieel Rafael. Salbabo ta anota un careda den cabez di segundo inning y den cabez di 3 inning Salbabo ta score un careda mas pa corta e ventaha 4-2. Royal Power ta amplia e score den bom di 3 inning cu un careda pa hasi e wega 5-2 mientras den bom di 4 inning Royal Power ta



bolbe rally a bataso limpio pa 3 careda y ta pone mas presion riba Salbabo aumentando e score 8-2. Pa seya e victoria Royal Power a logra anota un careda den bom di 6 inning pa asina e wega termina 9-2. Ambos ekipo a drenta final invicto 5-0 unda Royal Power a termina e torneo 6-0 mientras Salbabo cu ta mira atras riba un torneo fabuloso y exitoso na e manera cu nan ekipo a perform den Copa Noord apoya pa e masa cora di Noord y ta termina cu 5 victoria y 1 derota(5-1) cu cara na laira. Resultado final Royal Power 9 careda, 16 hit, 1 error y ta laga 9 coreador na base. Salbabo 2 careda, 10 hit, 0 error y ta laga 8 coreador den circulacion.

Jomark Flanegin ta cubri henter e ruta y ta pone e victoria riba su number como pitcher ganador y banda di esaki Jomark Flanegin ta bira e MVP di Copa Noord 2025 merecidamente. Elwin Falconi pitcher habridor pa Salbabo ta resulta pitcher perdedor ricibiendo relevo di Charli Pulido den di 3 inning. Mihor bateadornan pa Royal Power a resulta Eldrick Dijkhoff 4-3, Keith Hooker 3-3, Kelvin Sylvania y Jerieel Rafael ambos a bay di 2-2. Pa Salbabo a destaca na plato Daniel Fernandes 3-3, Aigil Brete 4-3, Gerard Eckmeyery Charli Pulido di 2-1. Na final bou ritmo di Tsunami kende

a trese un artista internacional e famoso Skinny Banton pa canta na veld di Kudawecha a bay over pa parti demas premionan individual. Alexander Groeneveldt di Stingers a bay cu e trofeo di Champion Homerun kende ta e unico cu a saka e bala un biaha pafopr di parke den e promer buelta. Marcel Duran di Super Plus ta titula Champion Batter cu 8-6 pa un averahe di 750. Jomark Flanegin MVP.

Salbabo ta ricibi su trofeo di Sub Campeon acompaña pa na fanaticada celebrando sin fin mientras Royal Power Tat Fat a ricibi su trofeo di Campeon Copa Noord 2025 cual ta bira Royal Power su di 8 titulo di Copa Noord mientras nan tin tambe 4 titulo di sub campeón. SV Royal Power y Comision Organisador ta gradisi tur ekiponan cu a participa, tur fanaticada cu a yega tereno pa apoya nan ekipo, tur ekiponan cu a hunga weganan amistoso durante e torneo, sponsornan, tur DJ's y Bandanan cu a perform y sigur Tsunami cu a crea e ambiente unico den e gran final pa pone e cherry riba e bolo. Copa Noord a re-activa despues di 5 año (desde 2020) den Gran Forma. Danki ta tur cu a yuda den cualkier forma. Pabien Copa Noord 2025! Pabien bario di Noord.

CMB TA HACI DONACION DI 120,000 FLORIN NA HOH

Durante un evento pa introduci e CEO nobo di MCB Group di cual Caribbean Mercantile Bank ta forma parti, e banco haci entrega di un donacion di 120,000.00 florin na e departamento di mucha di Horacio Oduber Hospital (HOH).

Gerencia di HOH tabata presenta pa ricibi e suma aki cu lo wordo destina exclusivamente na mehora condicionnan di e facilidadnan unda nos muchanan ta wordo atendi.

Director General di CMB ta expresa cu parti esencial di e banco su obhetivonan ta di por comparti cu comunidad,

anto ki miho forma cu haci esaki yudando muchanan di Aruba, especialmente esnan cu pa un of otro motibo mester pasa un tempo den hospital. “E no ta placentero pa mester keda hospitalisa y pasa tempo leu di bo famia. Mas ainda si bo ta un mucha. Dus si nos por contribui pa alivia esaki, nos lo haci esey.”

Jacco Vroegop y Gregory Creeze, di Hunta di Directiva di HOH tabata presente y a acepta e donacion aki. Creeze ta añadi: “Den salubridad cada florin ta rende y tin efecto riba no solamente e pashent y su famia pero tambe e personal cu awor por ta mihor ekipa pa duna

un miho servicio. Segun Creeze e donacion aki ta mas cu solamente placa, e ta un muestra di confianza y solidaridad entre e dos organisacionnan. Nos ta kere den un futuro unda cuido ta accesibel, mas personal y mas inovativo. Gesto of donacionnan asina aki ta haci nos yega mas cerca di nos vision y p’esey nos ta hopi agradecido na CMB y tambe MCB Group.”

Cu’n sonrisa grandi Jacco Vroegop ta conta cu: “Mi ta hopi agradecido y ta gradici banco CMB pa nan generosidad di nan donacion na departamento di mucha di Hospital di Aruba. Nan sosten ta haci un diferencia real den e



bida di nos pashentnan di mas jong y nan famia. E ta refleha un compromiso mutuo y cu ta hopi importante pa e bienestar di nos comunidad.

Mester remarca cu e donacion aki ta wordo haci den nomber di e CEO saliente, Chicú Capriles,

cu ta un persona bon conoci y aprecia den nos comunidad local. Chicú lo wordo reemplaza pa Quinten Fraai, manera ya anuncia algun luna pasa. Riba e foto adhunto por mira Gregory Creeze, Armin Solognier, Quinten Fraai, Albert di Mauro y Jacco Vroegop.

KICO TA E TRATAMENTO PA MEASLES (SARAMPI)

18.06.2025. Measles of manera nos ta yam’e na Aruba, “Sarampi” ta un malesa cu ta wordo ocasiona pa un virus. Debi cu e ta wordo ocasiona pa un virus no tin ningun medicamento pa cura esaki. E curpa ta esun cu mester combati e virus aki y pa haci esaki e ta tuma su tempo. Tur locual cu e persona cu sarampi por haci ta tuma medicamento y/of aplica cierto producto pa alivia e sintomanan cu ta presenta pero na mes momento ta consehanan pa tuma contacto cu dokter di cas pa conseho y instruccion.

Por ehempel; pa e sintoma di keintura por tuma medicamento manera paracetamol, por pone un paña cu maravilla riba e frenta y rond di e nek of tambe por baña cu awa poco frieu. Esaki ta algun

ehempel di practicanan pa yuda baha e keintura.

Pa alivia e grawatamento cu e rash riba e curpa por ocasiona tin producto cu por wordo hunta riba e cuero cu por wordo cumpra na cualkier botica. Pa preveni deshidratacion ta recomenda pa es cu sarampi bebe hopi awa. No juice of refresco cu tin hopi sucu pero simplemente awa.

Na momento cu e malesa desaroya den un infeccion bacterial manera un pulmonia, un infeccion di wowo of horea dokter lo mester combati e bacteria cu antibiotica.

E miho forma pa preveni Measles ta pa medio di vacunacion. E vacuna cuta proteha contra e malesa di Measles ta e vacuna MR (Measles, Rubella) of e vacuna



Measles no tin cura. Tur loke e persona cu sarampi por haci ta tuma medicamento of aplica cierto producto pa alivia e sintomanan, por ehempel:

- Pa keintura: paracetamol
- Pa grawatamento: hunta cuero
- Pa deshidratacion: bebe hopi awa

MEASLES

E miho forma pa preveni Measles ta vacuna. E vacuna cu ta proteha contra Measles ta e vacuna MR (Measles, Rubella) of e vacuna MMR (Measles, Mumps y Rubella) cu ta riba mercado for di aña 1971. E vacuna aki ta uno sigur pa mucha y adulto. Vacuna ta un metodo di prevencion, no di tratamiento.

Bo salud ta bo responsabilidad,

MMR (Measles, Mumps, Rubella) cu ta riba mercado for di aña 1971. E vacuna aki ta uno sigur pa mucha y adulto. Vacuna ta un metodo di prevencion, no di tratamiento tampoco curacion.

Bo salud ta bo responsabilidad, tuma accion pa proteha bo mes

contra Measles.

Pa mas informacion like nos Facebook page Directie Volksgezondheid DVG Aruba, Follow nos riba Instagram [directie_volksgezondheid_aruba](https://www.instagram.com/directie_volksgezondheid_aruba), subi nos website www.dvg.aw, yama nos na 5224200 of mail nos na servicio@dvg.aw

PARLAMENTARIO CLIFFORD HEYLIGER NOMBRA COMO VICE-PRESIDENTE ADHUNTO DI AREA CARIBE DEN CONGRESO DI ODCA



(17 di juni 2025) – Den representacion di Partido AVP y Aruba, Parlamentario Clifford Heyliger a asisti e di 24 Congreso Statutario di Organización Demócrata Cristiana di América (ODCA), cu a tuma luga entre 4 y 6 di juni 2025 na Bogota, Colombia. ODCA ta un organisacion politico regional cu ta uni mas cu 35 partido for di 25 pais Latino Americano y Caribeño, incluyendo AVP

como miembro activo.

E congreso tabatin como anfitrión e Partido Conservador di Colombia y esesionnan plenario a tuma luga na e edificio oficial di Senado di Colombia, na presencia di lider politico prominente, incluyendo e Presidente di Senado, Sr. Ephraim Cepeda. E evento tabata transmiti en bibe pa aumenta transparencia y participacion. “Un honor grandísimo pa Aruba y pa mi personalmente pa por representa nos pais den un foro internacional di e nivel aki,” Heyliger a expresa.

Durante e congreso a trata varios tema crucial, incluyendo e impacto di e guerra na Ucrania riba alocacion di presupuesto den paisnan Europeo, caminda

fondo cu anteriormente tabata destina pa ayudo humanitario awo ta redirigi pa gasto di defensa y seguridad. A palabra tambe riba e uzo di ‘soft power’ den relacionnan internacional, cu ta referi na e poder di influencia economico y cultural sin uzo di forza militar — un modelo ehemplar ta Alemania, un pais cu no tin un gran presencia militar, pero cu ta eherce hopi peso politico.

Otro tema importante tabata e peligro creciente di desinformacion via social media, e falta di presencia di USAID den region y su impacto negativo, asina como e rol strategico di Union Europeo den Latino America. Ademas, hopi preocupacion tabata presenta tocante e menasa pa democracia den nos



region, particularmente e aumento di partidonan di e extremo politico. Partidonan di extremo izquierda ta muestra tendencia dictatorial, mientras cu partidonan di extremo drechi ta move den direccion autocratico. Criminalidad organisa tabata menciona tambe como un riesgo serio pa estabilidad den paisnan Latino Americano y Caribeño.

Como parti final di e congreso, eleccionnan pa e directiva nobo a tuma luga y Parlamentario Clifford Heyliger a keda eligi como Vice Presidente Adhunto pa e region di Caribe.

“Mi ta sinti mi profundamente comprometi pa pone e bos di Aruba riba mesa internacional, y pa sigui lucha pa democracia y estabilidad den nos region,” Heyliger a conclui.

ARUBA BANK LO TA PRESENTE NA E EVENTO DI TOYOTA RED TAG SALES



Oranjestad – 18 di juni 2025 - Aruba Bank ta contento pa ta presente

na e Toyota Red Tag Sales, un evento exclusivo yen di ofertonan y tremendo descuentonan riba bo Toyota nobo!

Pasa bishita Toyota Aruba su showroom, diahuebs 19 di juni 2025, for di 6or di atardi te cu 9or di anochi.

Documentonan necesario pa trece:

- Rijbewijs valido
- 2 ultimo payslips (4

si bo ta cobra cada 15 dia)

- Carta di trabou (≤ 3 luna bieu)
- Carta di censo of recibo di utilidad

Bini pasa un anochi agradabel, tira bista riba autonnan nobo pa bo ta un paso mas serca pa logra e auto di bo soño.

Nos representantenan di Aruba Bank ta warda bo. “Tagged, Approved, and Ready to go”

PREMIONAN INDIVIDUAL DI COPA NOORD HEINEKEN 2025:

**Jomark Flanegin MVP, Marcel Duran Champion Batter, Rodney Kelly
Champion Pitcher y Alexander Groeneveldt Champion Homerun**



Copa Noord 2025 dedica na Johannes "Poy" Flanegin, Alvaro Barrios, Nel Frank y Francis Arcaya a termina cu un broche de ora dia di Tata 15 di Juni ultimo na veld di Kudawecha. Royal Power Tat Fat Campeon

invicto mientras Salbabo kendenan por mira atras riba un presentacion digno y formidabel den Copa Noord a bay cu e titulo di Sub Campeon. Despues di e promer set di Tsunami kendenan a presenta y



sacudi Kudawecha cu un artista international Skinny Banton, Comision Organisador di SV Royal Power Tat Fat Copa Noord 2025 a bay over na e parti protocol pa entrega premio na ekiponan ganador y reparti premionan individual.

Premionan individual di Copa Noord 2025

MVP di e torneo ta wordo saca for di e ultimo wega pero alabes ta mira tambe e crusen di diasabra, semi final pero sigur e peso mas grandi ta wordo poni riba e wega final. Pues bo mester hunga final y gana e wega final pa por ricibi e premio maximo como MVP. Jomark Flanegin desde diasabra tabata redhot conectando su propio Tata Poy Flanegin un homerun pa knock out Super Plus mandano nan cas. Diadomingo Jomark a destaca den semi final merdia y atardi Jomark a pitcha 7 inning alabes a bati tremendo cargando su ekipo pa e titulo maximo.

Unanimamente cu 7 voto na fabor di e Comision cu ta duna conseho pa premio individual Jomark Flanegin ta conquista e premio di MVP "Most Valuable Player" di Copa Noord 2025. Champion Batter, Champion Pitcher y Champion Homerun ta wordo saca for di e promer buelta esta e promer ronda. Champion Batter a resulta Marcel Duran di Super Plus kende a bati di 8-6 pa un averahe di 750.

Un hungador tabata tin mester di "minimo" 8 turno esta 8 "plate appearance" pa por participa pa e premio aki. Marcel Duran di Super Plus merecidamente a bay cu e titulo aki. Champion Pitcher a bay pa Rodney Kelly di Calabas Blue Jays. Rodney Kelly tabata e unico pitcher cu un record di 2-0 den e promer buelta y asina a seya e titulo riba su number. Champion Homerun of Homerun King a bay pa "Camala" Alexander Groeneveldt di

Stingers. Stingers un ekipo nobo den Copa Noord cu a sa di luci yegando te semi final y su hungador ta logra un titulo individual. A hunga cu un bala 0.44 COR y organisadornan a pone batenan disponibel pa e torneo.

No tabata facil pa saca e bala pafor di parke. Den e promer buelta "Camala" Alexander Groeneveldt tabata e unico hungador cu a logra saca e bala for di parke den deep centerleft y asina ta ricibi su premio di Champion Homerun merecidamente.

Comision Organisador SV Royal Power Copa Noord 2025 ta felicita tur atletanan kendenan a ricibi un premio individual. Masha masha pabien. Sigui traha duro pa boso destaca otro aña 2026 un biaha mas den Copa Noord 2026 cu lo wordo organisa pa Calabas Blue Jays. Masha Masha Pabien.

ACCIDENTE CU HENDE HERIDA PA FALTA DI PREFERENCIA DILANTI CARIBBEAN OVERSEAS



Diamars mainta a drenta informe di un accidente cu hende herida na Schotlandstraat dilanti Caribbean Overseas, mesora a dirigi tanto polis como ambulans na e sitio. Na yegada di e patruya a bin compronde cu aki ta trata di un accidente unda un dama special a bay subi e crusada net ora un bus ta pasa y a bay dal esaki den banda. Debi na e fuerte impacto aki tanto e dama special como e pasajero special tambe a resulta levemente herida, na yegada di e ambulans a atende ambos victima na e sitio mes.

AMBULANS Y BOMBERONAN A BAY PA TURISTANAN CU A BATI ALARMA ORA NO POR A SUBI NI BAHAMAS FOR DI HOOIBERG



y bombero pasobra un persona cu ta cu nan no por a sigi subi ni baha, e tabata sinti su mes malo y tabata tin problema cu su man, mesora a dirigi tanto ambulans como bombero na e sitio. Na yegada di e ambulans a bin compronde cu nan a logra baha y no tabata desea atencion di ambulans y ambulans a cancela bomberonan.



Diamars mainta a drenta informe di cu algun turista a pidi ayudo di ambulans

STUDIANTE JEZEKIEL RILEY TA TERMINA CU EXITO SU STAGE NA COMITE OLIMPICO ARUBANO



Despues di dos luna di stage, studiante di EPB Jezekiel Riley ta logra cumpli cu su tareanan y asina ki finalisa su stage

cu exito na COA. Jezekiel a aporta den e area administrativo ademas di yuda cu tareanan logistico. Su aporte durante e ultimo

dos luna sigur tabata di balor agrega, mustrandu capacidad di por haci tur cos efectivamente. Importante pa remarca



cu Jezekiel ta un atleta di basebal unda a mira cu su disciplina pa deporte tambe a bira parti di dje den su stage. COA

kier gradici Jezekiel pa su tempo y hopi exito pa su bida academico y deportivo despues di caba scol. #TEAMARU

AUGY TROMP A GANA E REGALO DI DIA DI TATA DURANTE ARACARI TAEKWONDO CUP

Durante Aracari Taekwondo Cup e directiva di Brazil Taekwondo Stichting a bin cu e idea pa rifa un regalo pa dia di tata entre tur e tatanan di



Taekwondo. Den tur e tatanan e number 5 tabata e number skirbi den e cahia di diferente cosmetica pa un tata, despues di e di tres rond Augy Tromp

a gana e set. Brazil Taekwondo Stichting a felicita tur e tatanan presente y a felicita Augy Tromp.



PARIBA LEGENDS LO BIN PABOU PA SERO BLANCO!

Calabas/Kudawecha - Shonnan amante di domino "Top Gun", e diasabra awor, 21 di juni, cuminsando pa 8'or di anochi, e prestigioso y mundialmente famoso Domino Square Garden un biaha mas lo ta escenario di otro sambombaso den domino! E legendarionan di pariba di brug, esta Pariba Legends DT, lo baha bin pabou pa enfrenta otro ekipo temerario, esta Sero Blanco DT. Shonnan, aki ta dos ekipo di caliber ta bay bati piedra contra otro! Pa cuminsa, den e team di Pariba Legends ta figura un dje hungadonan mas controversial den domino aki na Aruba, nada menos cu Nelson "Snor" Perez, un hungado cu manera e lanta su 7 piedranan for di mesa e ya por calcula ken lo gana e man ey basa riba su formulanan sofistica y matematico den domino. Un cos fuera di otro mundo, algo cu te awe ta wordo categorisa como e "Skinwalker Effect" door di ciencia di domino mundial.

Di otro banda, Sero Blanco ta conta cu e militancia di nada menos cu "Nai" Rasmijn, un veterano estilo "no mercy" den domino. Aki nos no ta papiando di "zomaar iemand" den e arte di pega piedra, pero di un conocido dje ciencia y forsan oculo dje naturalesa rond di dje. Un berdadero "Jedi" cu ta uza "the force" pa move su piedranan den e direccion victorioso, y c'un simpel movcion di su man por pone bo wowo bira scur y



Clasificados

CLASSIFIEDS

SOLODIPUEBLO@GMAIL.COM
CEL. 585 9500

SOLO Di Pueblo

hinca bo den un trance estilo perde-haya! Aki ta dos style completamente diferente ta bay bataya otro: e style basa riba formulanan matematico contra e style basa riba sabiduria dje bieunan y conocimiento di naturalesa! Pues shonnan, diasabra awor 21 di juni, cuminsando pa 8'or di anochi, Domino Square Garden, aya net n'e grens entre Kudawecha y

Calabas, lo bira e escenario di un encuentro sumamente interesante! Manera semper, entrada ta completamente gratis pa pueblo en general, y rond di halftime, e pasapalanan lo skeiro rond totalmente por nada! Bini un bini tur presencia otro sambombaso di domino. Un cos nos por bisa alvast: "May the force be with you ..." Yega!



Parlamentario Jennifer Arends-Reyes:

“EHECUTIVONAN DI MUNDO CRUCERO TA CONTENTO CU ARUBA COMO DESTINACION”



ORANJESTAD (20 di juni 2025) – E siman aki ta marca un momento significativo pa turismo di crucero na Aruba. Den colaboracion cu Aruba Ports Authority (APA), Aruba Tourism Authority (ATA) y Florida & Caribbean Cruise Association (FCCA), Aruba a tene e prestigioso PAMAC Conference 2025 riba nos isla. E conferencia, cu ta reuni lidernan principal di e industria di crucero na Caribe, a regresa Aruba despues di 8 aña, treciendo cu ne un oportunidad valioso pa eleva e posicion di Aruba den e mapa global di crucero.

Parlamentario Jennifer



Arends-Reyes, den su rol como presidente di e comision parlamentario di turismo, tabata invita pa participa den e prome anochi oficial di e encuentro, caminda el a tene dialogo directo cu e ehecutivonan mas influyente di e industria. “Encuentro manera PAMAC (Platinum Associate Membership Advisory Council) Conference ta oportunidad unico pa lanta un dialogo strategico, caminda Aruba por expresa su vision, deseo y desaroyo actual den e sector,” Arends-Reyes a expresa.

Durante e e conferencia, Aruba a presenta su progreso den infraestructura portuario,

incluyendo e dredging cu a tuma luga den pasado pa por ricibi barco mas grandi y moderno. “Pa hopi aña nos a pone nos meta: pa yega na 800 mil pasaheronan di crucero pa aña y a yega te pase. Awe nos por wak bek cu orguyo riba esey como un logro grandi di turismo na Aruba, awor ta toca turno na stabilisa esaki y keda enfoca.

Aruba ta sigui traha riba diversificacion di su oferta pa barconan, enfocando no solamente riba mega-cruises, pero tambe riba barconan mas chikito, yatenan exclusivo y luhoso manera entre otro Ritz Carlton Yachts. “Esey ta muestra cu Aruba ta adapta y innova, sin perde di



bista nos compromiso cu sostenibilidad y calidad pa tur huesped,” segun Arends-Reyes.

E feedback ricibi durante PAMAC Conference 2025 ta confirma su exito rotundo. Huespednan, entre nan ehecutivonan di nivel halto, a expresa nan satisfaccion e hospitalidad y organisacion cu Aruba

ta brinda. “Nos por sigui sinti nos confia cu Aruba ta keda un destinacion preferi den itinerarionan di crucero den Caribe,” Arends-Reyes a conclui.

E comision di turismo lo sigui traha di cerca cu APA, ATA y e sector priva pa asina fortalece posicion di Aruba den e futuro turistico di crucero.

TA BENDE: FRAME di HERO (70cmX45cmX37cm)


















**PROTEGA' bo AIRCO
i Bo CAS!
Prijs 175 florin.
Info 5697787**















Clasificados



SOLODIPUEBLO@GMAIL.COM
CEL. 585 9500



<div></div> <div>Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com</div> <div>Resultado: Sorteo di Anochi - 17 Juni 2025 CORRECTION !!!</div>		
<div></div> <div>Sorteo # 8572</div> <div>8763</div> <div>2692</div> <div>1808</div> <div></div> <div>X2</div> <div></div> <div>Sorteo # 7616</div> <div>3342</div> <div></div> <div>X2</div> <div></div> <div>Sorteo # 2321</div> <div>8259</div> <div></div> <div>Sorteo # 6375</div> <div>0403</div> <div>Libra</div> <div></div> <div>Sorteo # 1305</div> <div>254</div> <div></div> <div>X5</div>	<div></div> <div>Sorteo #</div> <div>0 x Jackpot</div> <div>0 x Match 4+</div> <div>0 x Match 4</div> <div>0 x Afl. 12,00</div> <div>Joker</div> <div>Letter</div> <div>Proximo Jackpot</div> <div>150.000,-</div>	
<div></div> <div>Sorteo # 6859</div> <div>0 x Jackpot</div> <div>2 x Match 4</div> <div>175 x Afl. 8,00</div> <div>Proximo Jackpot</div> <div>54.000,-</div>	05-10-13-24-30	
<div></div> <div>Sorteo # 1776</div> <div>0 x Jackpot</div> <div>0 x match 4</div> <div>5 x Afl. 500,00</div> <div>86 x Afl. 50,00</div> <div>153 x Afl. 15,00</div> <div>Mega Ball 02</div> <div>Proximo Jackpot</div> <div>550.000,-</div>	04-23-25-29	
<div></div> <div>Sorteo #</div> <div>0 x Jackpot</div> <div>0 x match 4</div> <div>5 x Afl. 500,00</div> <div>86 x Afl. 50,00</div> <div>153 x Afl. 15,00</div> <div>Mega Ball</div> <div>Proximo Jackpot</div> <div>550.000,-</div>	Afl. 825.000,-	
<div></div> <div>Sorteo #</div> <div>0 x Jackpot</div> <div>0 x match 4</div> <div>5 x Afl. 500,00</div> <div>86 x Afl. 50,00</div> <div>153 x Afl. 15,00</div> <div>Mega Ball</div> <div>Proximo Jackpot</div> <div>550.000,-</div>		

<div></div> <div>Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com</div> <div>Resultado: Sorteo di Merdia - June 18, 2025</div>		
<div></div> <div>Sorteo # 4654</div> <div>2367</div> <div>2042</div> <div>2947</div> <div></div> <div>X2</div> <div></div> <div>Sorteo # 4654</div> <div>4317</div> <div></div> <div>X2</div> <div></div> <div>Sorteo # 2710</div> <div>6256</div> <div></div> <div>Sorteo # 4654</div> <div>6672</div> <div>Acuario</div> <div></div> <div>Sorteo # 1528</div> <div>311</div> <div></div> <div>FP</div>	<div></div> <div>Sorteo #</div> <div>0 x Jackpot</div> <div>0 x Match 4+</div> <div>0 x Match 4</div> <div>0 x Afl. 12,00</div> <div>Joker</div> <div>Letter</div> <div>Proximo Jackpot</div> <div>150.000,-</div>	
<div></div> <div>Sorteo #</div> <div>0 x Jackpot</div> <div>0 x Match 4</div> <div>0 x Afl. 8,00</div> <div>Proximo Jackpot</div> <div>54.000,-</div>		
<div></div> <div>Sorteo #</div> <div>0 x Jackpot</div> <div>0 x match 4</div> <div>0 x Afl. 500,00</div> <div>0 x Afl. 50,00</div> <div>0 x Afl. 15,00</div> <div>Mega Ball</div> <div>Proximo Jackpot</div> <div>550.000,-</div>		
<div></div> <div>Sorteo #</div> <div>0 x Jackpot</div> <div>0 x match 4</div> <div>5 x Afl. 500,00</div> <div>86 x Afl. 50,00</div> <div>153 x Afl. 15,00</div> <div>Mega Ball</div> <div>Proximo Jackpot</div> <div>550.000,-</div>	Afl. 825.000,-	
<div></div> <div>Sorteo #</div> <div>0 x Jackpot</div> <div>0 x match 4</div> <div>5 x Afl. 500,00</div> <div>86 x Afl. 50,00</div> <div>153 x Afl. 15,00</div> <div>Mega Ball</div> <div>Proximo Jackpot</div> <div>550.000,-</div>		

Parlamentario Otami Thomasia: “Mester un sistema mas husto y inclusivo pa muchanan cu limitacion”

ORANJESTAD (17 di juni 2025) – Parlamentario Otami Thomasia a duna un update importante riba un tema cu toca hopi famianan na Aruba: e ayudo social (bijstand) pa mucha cu limitacion entre e edad di 0 te 16 aña. Segun Thomasia, e politica aki tabata un iniciativa cu durante e gobierno anterior bou di ex-parlamentarionan Mike Eman y Mervin Wyatt Ras ya tabata den desaroyo. “Nan a traha e base y a pone e tema dilanti,” e a bisa, “pero e momento ey no a logra implementacion final.”

Actualmente, e tema ta cay bou di e Landspakket—e acuerdo structural cu ta orienta Aruba riba reforma y sostenibilidad financiero. “Esaki ta nifica cu e procedimiento mester sigui su trayecto tecnico y legislativo, pero mi por sigura bo cu e ayudo aki ta den caminda,” Thomasia a enfatisa. “Nos ta sigui su desaroyo pa garantiza cu esaki lo bira un parti permanente di nos sistema di sosten y asisti e famianan cu ta enfrenta e reto aki dia tras dia.”

Pa e parlamentario, esaki no ta solamente un asunto di ayudo financiero, sino un cu ta toca e tema fundamental di inclusion den nos comunidad. “Ora nos ta papia di inclusion, nos ta papia di tur grupo: nos hende grandi, nos mayornan, nos mucha y definitivamente nos muchanan cu limitacion. Tur hende tin derechonan igual pa forma parti activo

di nos sociedad,” el a declara. E punto di partida ta duna accesibilidad: cu e mucha por bay scol, por haci deporte, por wak su dokternan sin obstaculo financiero.

“Hopi mayornan no sa cu e gasto pa cuida un yiu cu limitacion entre 0 y 16 aña ta generalmente no cubri. Nan ta mester inverti hopi den adaptacion di su cas, compra ekiponan, of drecha un espacio seguro pa e mucha. Esaki ta un carga economico cu hopi hende no por carga su so,” el a bisa. Den hopi caso, un di e mayornan mester para di traha, cu ta pone presion riba e estabilidad di e henter hogar.

Otami Thomasia ta pidi pasenshi di pueblo. “Nos sa cu tin mayornan ta



warda riba e ayudo aki. Nos no a lubida boso. E ta den nos curason y e lo tuma tempo, pero lo yega. Hunto cu fraccion di AVP, nos lo sigui lucha pa esaki pa wak cu e ta keda realisa den interes di nos pueblo.” Segun Thomasia, esaki ta un paso esencial pa yuda forma un Aruba mas husto y solidario, unda tur hende, sin exclusion, por tuma su luga y biba cu dignidad.

UN BITTER DI MAS...

FOR STROBA BO DI YEGA CAS.



E DECISION TA DEN BO MAN



NO DRENTA DEN E SOCIEDADNAN SATANICO

No dreña den nan asambleanan satánico, nan ta bao di un capa secreto. Nan ta haci nan huramentonan den nan iniciación ritual. Bijbel ta bisa, 2 Corinthionan 6: 14 – 18: “No uni boso mes cu hendenan cu no ta creyente. Kiko santidad tin di haci cu maldad? Kiko lus tin di haci cu scuridat? No por tin harmonia entre Cristo y satanas? Kiko un creyente tin di comun cu un incredulo? Tempel di Dios por sera aliansa cu diosnan falso? Wel, nos ta tempel di Dios bibo.” Bijbel Mateo 5: 34 – 37: “Ami ta bisa boso: No hura mes pa ningun motibo. Ni pa Cielo, pasobra Cielo ta trono di Dios, ni pa tera, pasobra tera ta banki di Su pianan, ni pa Herusalem, pasobra esaki ta e Stad di E Rey Grandi. Tampoko no hura pa bo cabes, pasobra bo no por haci ningun draachi di cabey preto of blanco. Laga bo si ta si y bo no ta no. Tur loke bo pone aserca ta bini di e diabel.” Nan ta rechasa e unico berdad di Dios Tata. Bijbel ta bisa, den Deuteronomio 6: 4 – 5: “Scucha Israel: Yave, nos Dios, ta e unico Dios. Stima Senjor bo Dios di henter bo curason, di henter bo alma y di henter bo curpa.” Esnan den sociedad satánico, nan ta nenga cu Cristo Hesus ta Senjor y Salbador y nan ta bay riba nan mes moral perfection y riba nan mes esfuerso. Bijbel ta bisa, Huan 14: 6; “Hesus ta contesta: Ami ta caminda, berdad y bida. Ningun hende no ta jega cerca Tata, si no pa medio di Mi.” Bijbel Efesionan 2: 8; “Pasobra boso ta salba pa medio di Gracia di Dios, pa medio di Fe den Cristo. Anto boso no ta haya salvacion pa medio

di boso mes esfuerso, ma e ta un regalo di Dios.” Nan ta ignora e bijbel di Dios y nan ta compara e Bijbel, mescos cu nan textonan pagano. Bijbel ta bisa, 2 Timotheo 3: 16 – 17; “Tur loke ta para scirbi den Escritura, a keda inspira pa Dios y ta util pa instrui, defende, coregi y pa educa hende pa justicia, pa un hende homber di Dios sea perfecto.” Nan ta adora diferente diosnan pagano. Bijbel ta bisa, Exodo 34: 14; “No adora ningun otro dios, pasobra Senjor ta un Dios celoso y E no ta tolera ningun otro dios. P’esey no sera ningun combenio cu e habitantenan di e pais ey.” Bijbel Exodo 20: 3, Dios Tata ta bisa: “Lo bo no tin otro diosnan, cu no ta Ami.” Nan ta nenga di menciona e nomber di Hesus den nan asamblea. Bijbel ta bisa, Philipensenan 2: 10 – 11; “Pa cu den nomber di Hesus tur rudia lo dobla, di habitantenan Celestial, habitantenan terenal y spiritonan infernal y tur lenga lo profesa na honor di Dios Tata, cu Cristo Hesus ta Senjor.” Esnan den sociedad satánico, nan ta rechasa e salvacion pa medio di fe den Cristo Hesus. Bijbel ta sinja, cu Cristo Hesus a muri y a resucita, Hesus ta e Unico caminda cu e humanidad por reconcilia cu Dios Tata. Bijbel Echonan 4: 12: “Den dj”E so por haya salvacion; riba mundo no tin ningun otro Nombreduna na hende, cu por salba nos.” E sociedad satánico ta sinja, cu nan ta trece lus of iluminacion pa nan miembronan. Bijbel ta bisa, Huan 8: 12, Hesus ta bisa: “AMI ta lus di mundo. Esun cu sigi Mi, lo no cana den scuridat, ma lo e tin lus di bida.” Esnan den sociedadnan satánico,

nan ta haci pactonan diabolico, osea bende nan almanan pa jega nan meta y nan ta wordo marca riba nan man of frenta cu e micro-chip di e bestia 666. Bijbel ta bisa, Apocalipsis 14: 9 – 11; “E di tres Angel a sclama na bos halto: Kende cu adora e bestia y su imagen y laga pone e marca riba su frenta of su man, esun ey lo bebe di e binja di Dios Su rabia, cu ta prepara puro den copa di Su ira y lo e keda tormenta cu candela y zwavel dilanti di Angelnan, Santonan y di E Lamchi. Y huma di nan tormento ta subi bay halto den siglo di siglonan. Ni di dia, ni anochi nan no tin sosiego na esnan cu ta adora e bestia y su imagen y kende cu ta acepta e marca di su nomber.” E organizacion aki, nan ta bini cu e, New World Order, pa tur pais. Bijbel ta bisa den Revelacion 13: 16 – 17: “Nan ta haci cu tur hende, chikito y grandi, riko y pover, liber y catibo, ta ricibi un marca riba nan man drechi of riba nan frenta, pa ningun hende no por cumpra ni bende, si e no tin e marca ey, esta nomber di e bestia of nomber di su nomber.” Akinan por comprende, cu lo bay jega tempo, cu plaka, ATM card, credit-card, paspoort, cedula, rijbewijs, pension, AZV card etc. no tey mas, nan ta wordo kita, pero tur esakinan ta wordo programa den un micro-chip y den e micro-chip tin e marca di e bestia 666. Y lo bo wordo controla via satellite, pa medio di e micro-chip den bo curpa. Mira You Tube, The New World Order, Bible Revelation 13 !

Skirbi pa Seferino Tromp.
Un mensahero di Dios.

SUDOKU

8			3					
3					5			
		9	1		4			
	4			8		7		
6								2
		8		2			3	
			7		9	6		
			2					5
					8			4

		9	8				4	
4				5				
			7	1				9
						8		1
	5	8				4	7	
6		3						
5				7	1			
				4				2
	7				9	1		

		7	1				5	
				7	4	8		
	2		3	8			7	6
				4	8		1	9
		8				5		
6	9		5	3				
8	7			1	9		3	
		3	8	5				
	1				3	9		

FORTALEZA PA FAMILIA

Scirbi pa Pastor Marcel Balootje.

BRUHERIA TA TEMPO Y PLACA PERDI, CRISTO HESUS TIN TUR PODER

No ta cos di awe, pero ta cos cu tin siglonan ta sosode, cu hende ta gusta scuridat, nan kier mantene amistad cu diabel, nan ta inverti tempo y placa den maldad, sperando beneficio, pero semper ta termina na malo y cu hasta e posibilidad cu nan alma ta bay perdi.

Hende pa falta di conocimiento, of rebeldia, ta hinca nan mes den trampa di diabel, y nan ta wordo ganja caminda nan ta pasa tur nan confiansa pa scuridat.

Hende cu nan cas ta dedica na bruheria.

Nan matrimonio ta dedica na bruheria.

E posicion den nan trabao ta obra di bruheria.

Nan ta kibra bida di otro pa medio di bruheria.

Nan ta sacrifica nan propio yiu of esposo, pa beneficio di bruheria.

Nan auto ta dedica na bruheria.

Cada rato nan tin cu renoba nan pacto cu bruheria, pasobra sino haci esey, e diabel lo cobra.

Awor pakico haci tanto maldad, pakico hinca nos curpa den tanto dolor di cabes, si e palabra di Dios ta bisa: Cu tur cos ta posibel si bo tin Fe, y cu Fe ta Poderoso y cu Fe ta move man di Dios.

Dios a crea cielo, tera y laman y tur locual tin den dje, bao di dje y riba dje, y un palabra ta para

scirbi, cu Dios a duna tur autoridad na Cristo Hesus, y cu Cristo Hesus a pasa e autoridad ey na tur esnan cu ta kere firmemente den Su nomber. Pesey e palabra di Dios ta bisa cu den Su nomber nos lo saca demonjo, y nos lo trapa riba colebra y scorpion.

Palabra di Dios ta bisa tambe cu E ta sostene y ta move huntu cu nos.

Pero su Palabra no ta cambia, pasobra tur rudia mester dobla y tur lenga mester confesa cu Cristo ta Senyor pa gloria di Dios tata.

Hopi biaha nos ta culpa hobennan pa nan comportacion, sin sa con diep nan mayornan ta den bruheria, y con nan mayornan ta obliga pa nan tambe participa, y tin mayornan ta ofrece sin ningun clase di escrupulo nan yuinan na diabel pa beneficio economico, y grandesa di mundo, y despues ora e enemigo kita bida di e mucha, of e mucha bay perdi den inmoralidad, y malicia di mundo nan kier tira e falta riba sociedad.

Mayornan tene cuenta cu maldad a aumenta gravemente, y maldad tambe ta bira moderno. Antes bo tabata bishita un bruho den un casita, awor bruheria to move den oficina moderno y luhoso.

Antes bruheria tabata scondi awor aki tin tienda di bruheria y maldad.

Tene cuenta cu awor aki tin musica di Rock y Rap cu verso diabolico,

y hobennan cu ta scucha e cosnan ey, nan mente ta bruha, nan ta cuminsa manipula, intimida, y hasta kier domina henter cas, pasobra locual nan ta scucha constant, esey ta domina nan mente y nan bida,

No ta tur biaha ta droga y alcohol so ta causa danjo, pero e bruheria a avansa, den musica, telefon, y facebook.

Películanan di bruheria y terror a bira un custumber, ta parece manera hende a lubida cu Dios tin poder pa destrui tur plan di enemigo. (Efesionan 6:10-



18).

Nan ta lubida cu Cristo Hesus a bini pa caba cu e plannan di diabel. Ta pesey den Su nomber tin poder pa cancela tur clase di maldad diabolico.

Rebeldia ta manera pica di bruheria, y capricho ta manera inikidad y idolatria. (1 Samuel 15:23).

Ban mantene Cristo Hesus na prome lugar den nos bida, pasobra Cristo Hesus ta nos unico refugio.

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500

Oracion di dia

Un dia fructifero y cu e luz di Cristo por briya den cada un di nos

" ... Pasobra tur hende cu halsa nan mes, lo keda humilia, ma esun cu humilia su mes, lo keda halsa". Lucas 18,14

Awe nos ta lesa e importancia di humildad y reconece nos faltanan. Nos por ta manera e fariseo husgando otro y halsando su mes of manera e cobrado di belasting ta reconece su falta y su necesidad di compasion. Cu humildad nos ta sirbi otro sin busca recompensa; scucha mas y papia menos, na balora e otronan pa loke nan ta y no pa loke nan tin of ta aparenta di ta. Reflexionando continuamente ta yuda evita na cay den orguyo y na mantene nos mirada fijo den e mision cu Señor a confia nos. Biba cu berdadero humildad ta nifica rechasa e mascaradanan cu hopi biaha nos ta pone pa impresiona of pa competi cu otro. No biba un bida superficial of di falsedad, sea un luz pa mundo unda e luz di Cristo ta briya den bo. Loke ta importa no ta con otronan ta mira nos, sino con Dios ta mira nos. Ser bo mes y cu humildad ta acerca nos na e berdadero esencia di nos fe y esey ta haci nos un instrumento den e man di Dios.

Oracion : Señor Hesus, haci mi curason pareu na bo curason. Manso y humilde y obedecido na bo Santa boluntad.

Amen.